

Cartas nordic

Un serie de photos de locationes in le paisés nordic
– e lor historia narrate in alcun lineas in interlingua como inspiration.



■ **Copenhagen, Danmark:** Ben que non si grande como le Turre Eiffel o le Porta de Brandenburg, anque Copenhagen ha su symbolo famose: Le Parve Sirena. Le statua de bronzo se trova al esplanada Langelinie in Østerbro. Illo esseva erigite in 1913, como un dono del birero Carl Jacobsen. Le sculptor esseva Edvard Eriksen. Le sirena es basate al conto del mesme nomine de H. C. Andersen, e como le sirena del conto le sculptura ha habite un sorte dur. Vandalos ha decapitate la (duo vices), rapite su bracio, jectate pictura a illo, e mesmo tentate occider la in un attentato de bomba! Ma le Sirena ha defiate tote assaltos e sede ancora super su rocca regardante languentemente al terra.
Texto e photo: Lars Rosenmeier

Interlingua – communication sin frontieras
www.interlingua.dk | www.interlingua.com

© 2015

Questiones

1. Ubi pote on leger super le parve sirena?

2. In qual direction regarda le parve sirena?

3. Qual altere urbes ha symbolos famose?

4. Que occurreva con le capite del parve sirena?

5. Qui pagava pro le construction del figura?
